

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnnd Beuelch halten soll, was zu anfang eines Kriegs zuerwegen vnnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

List.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Von allerhand Kriegsfrüstung vnd gebrauch

Wie man sich in Besatzung vnd Läger vor- teil gebrauchen mag.

Item wa zwey heer oder Läger nicht weyt voneinander an ein fließens-
den wasser ligen/so vberkom dz Ober Läger so am wasser ligt/vil kalck
aschen/dz schütt man alle tag zwey oder drey mal ins wasser/auch alles
das vnstätig das man finden kan/als todte körper/vnd alle gestorbne vnd
erschosne pferdt was man für wust haben vnd ankommen kan/darmit
vergifft man das wasser/das sein im vndern Läger weder leuth noch pferdt
gemessen mögen.

Von Kriegslist.

In Munstero am 106. steht/wie das die Lamparter haben ihren wey-
bern das haar abgeschnitten/vnd vmb das maul vnd thim gebunden/
vnd sie zu inen inn die Ordnung gestellt/damitt die anzal deyster grösser
vnd erschrocklicher anzusehen were.

List.

In der Dänmärcker Chronica im ersten buch am neuntzehenden blat/
Frato der König ließ inn der Belagerung vor Etrola ein ruffende stimm
aufgehn/er wer todtdardurch die inn der Besatzung far vnd hinlässig/
auch liederlich würden/vnd er die Statt dardurch erobert.

Des gleichen Nading der König ließ inn der Belagerung vor Tuna viel
Schwalben fahen/inen brinnende lunden vnd zundel anbinden/vnd dar-
nach flogen sie wider inn ihre näster die vnder den thächern waren/zündten
also die Statt an/vnd er erobert sie dadurch.

Im Munstero am zweyhundert vnd drey vnd dreissigsten blat stah/
das durch ein falschen Fanen ist viel gepracticiert worden/am fünff hundert
vier vnd sechzigsten blat/schlecht Antiochus die Gallier/vnd vberwindt
sie mit vnd durch Hellsfanden/erschreckt sie so vnbillich das bald getädigt
wurde.

Herodes bauet vor Iherusalem Wellschütten/gewaltig Thurn/darauff
Josephus im Krieg der Juden mit vnd durch list viel practiciert/so machten
die Feind allwegen ein gegenwehr darwider.

Gemeyne